

欽定剿平粵匪方略

欽定勦平粵匪方略卷四百三 乙丑年

三月初三日

戊戌

左宗棠徐宗幹奏言據汀州鎮

總兵關鎮國汀州府知府朱以鑑及選用道張
恆祥稟報現有武平難民李姓二人從賊中逃
出暨受傷兵丁數名所述臬司張運蘭被戕情
形甚悉據稱九月十一日該臬司擊賊於中赤
地方連獲勝仗忽另股繞撲武平縣城該臬司

帶隊馳援比到城已被陷逆衆徧野卽揮令副將雷照雄等奮力迎勦斃賊無算詎後股悍賊從閒道截出我軍首尾不能相顧總兵賀國楨王明高等被傷陣亡後軍遂潰中赤之賊乘勢夾攻雷照雄亦中矛陣亡該臬司見勢不支策馬陷陣手刃悍逆多名中傷墜馬賊擁之入城罵不絕口至十四日午刻遇害情形最爲慘烈

武平縣知縣沈田玉巡檢陶載坤典史雍德玉等亦先後被戕迨武平旣復署知縣八十四偕同隨侍該臬司多年之都司湯有德從亂屍中檢獲忠骸一段穿有藍布小襖表裏一色認係該臬司臨陣時所服復於學宮覓得其元面色如生當卽如禮棺殮護送汀州由該鎮道等稟請具奏前來查臬司張運蘭自咸豐三年隨同

已故道員王鑫帶勇殺賊轉戰楚粵江西皖南
福建諸省克復名城挫斬首逆謀勇兼優戰功
甚偉茲因所部兵分力薄失利被圍裹創血戰
卒以力盡罵賊捐軀忠義懷然足光簡冊應請
旨照布政使例從優

賜卹

予諡於死事地方建立專祠附祀湖南王鑫專祠並

懇

飭下江西安徽湖南湖北廣東各督撫查明該臬司
戰績宣付史館立傳以慰忠魂同時殉難之總
兵賀國楨等三十員暨武平縣知縣沈田玉巡
檢陶載坤典史雍德玉相應開列懇請

飭部分別議卹並附祀張運蘭專祠用昭激勸其管
帶三旗遊擊易培駿當逆賊撲犯武平縣城時

集賢堂
三
不能率衆固守致賊抄襲官軍後路實屬罪無
可逭應請

旨革職拏問以肅軍律奏入

上諭內閣曰前因毛鴻賓等奏福建按察使張運蘭
在武平剿賊陣亡懇請優卹業經降旨將張運蘭
照巡撫例議卹並於湖南福建廣東各省建立專
祠其生平戰績宜付史館立傳茲據左宗棠等奏

稱查明該故員殉難詳細情形現復檢獲忠骸懇
請予諡等語張運蘭著再加恩予諡以慰忠魂其
同時殉難之總兵賀國楨等均著交部照例從優
議卹副將尹定友等均著交部照例議卹知縣沈
田玉等均著交部從優議卹以上三十三員均附
祀張運蘭專祠俾彰忠節遊擊易培駿當賊匪撲
犯武平縣城時不能率衆固守致賊抄襲官軍後

路實屬罪無可逭易培駿著卽革職拏問以肅軍律

初十日乙巳沈葆楨奏言欽奉

諭旨沈葆楨著賞假三箇月回籍省親等因臣前因
濂逆竄至白沙奏明邊防喫緊乞假之請如蒙
俞允仍當暫緩回閩現據各路軍報均以白沙之賊
歸併漳郡直趨海隅去江甚遠叟雲慶已統所

部由會昌前進武平臣檄劉勝祥移紮瑞金贛
南一帶安堵如常臣遵將江西巡撫關防於二
月二十九日移交護撫臣孫長紱接受臣於三
月初一日由江起程所有贛南防務應責成席
寶田會商各軍相機辦理席寶田洞曉韜略慮
事周詳江防可無他慮儻該逆仍圖回竄情形
萬緊仍星馳來江不敢稍存推卸奏入

上命軍機大臣傳諭沈葆楨曰沈葆楨前以福建漳
逆竄至白沙於給假之後仍暫緩起程現因白沙
之賊歸併漳郡去江甚遠該撫已於三月初一日
交卸由江起程如逆蹤回竄該撫仍擬星馳回江
足見體國公忠能顧大局惟江省兵燹之餘一切
軍事吏治需人整理如軍情稍緊該撫固須迅卽
回江卽閩省逆勢日衰無虞回竄亦當毋庸拘泥

假滿早行回任以慰馳塵

十一日丙午李鴻章奏言郭松林楊鼎勳等十六

營人數較衆行糧及輪船一切費用共需銀二

十萬兩臣督同司道竭力挪湊至二月杪甫克

就緒郭松林所部八營已於二十八日登舟楊

鼎勳所部八營因輪船稀少不敷裝載約三月

初間當可接續開駛自上海放洋至廈門不過

數日可到茲准左宗棠函稱龍巖州克復後漳
逆汪海洋亦棄巢竄遁有歸併漳州之勢南面
濱海一帶甚虞空虛等情是閩省沿海南路極
形喫重臣已飭令郭松林楊鼎勳等整肅軍規
於到廈後察看賊情地勢妥籌會剿奏入

上諭曰著飭郭松林等迅速前往聽候左宗棠調遣
李鴻章又奏言正繕摺聞准兩廣督臣毛鴻賓

廣東巡撫臣郭嵩燾咨稱漳州以西漳浦雲霄平和各城皆爲賊踞賊衆現聚閩省而其出路則在粵省閩軍由東北漸次撓圍蘇軍再由廈門南面進攻則漳州三面被勦必由西路全股入粵請分軍由汕頭登岸會同粵軍由詔安規復雲霄平和等城以斷竄路等因查賊初入閩本自粵東邊界取道竄陷龍漳現在粵省方耀

等軍進紮永定上杭等處計與閩省龍巖州各營可以聯絡遮截似北路之防較固至左宗棠慮其勾結盜艘分擾沿海一帶郭嵩燾慮其被勦窮蹙西竄潮州皆在意料之中臣派郭松林楊鼎勳等由廈門進兵正當沿海一而且已議定赴閩更未便改赴汕頭惟有密飭郭松林等到廈後察酌賊勢穩慎進取先截其窺伺海濱

之路如將來賊股併趨入粵卽就近跟蹤兜追以收夾擊之效奏入

上諭曰郭松林等旣未便改赴汕頭卽密飭於到廈後察酌賊勢進取先截其窺伺海濱之路如賊股竄粵卽著奮力跟追與粵師會攻以收夾擊之效潮州一帶該撫卽咨明廣東督撫厚集兵力水陸嚴防以期有備無患

十四日酉己左宗棠徐宗幹奏冒劉典王德榜王

開琳張恆祥等由汀連進剿南陽汪海洋老巢

疊次獲勝賊勢日蹙劉典料賊竄必速二月初

三日派楊芳桂張福齊會同王德榜所部戴奉

聘等馳赴中村截擊初四夜間南陽之賊果棄

巢竄走知縣陳鴻藻等由亨子嶺殺入斃賊數

百名初五日楊芳桂等追至上杭所轄舊縣又

殺賊數百名劉典慮賊由龍巖內竄當飭李耀南等於初六日進駐華家亭適賊由舊縣竄踞白沙我軍分路夾擊殺賊五六百名生擒百餘名初七日劉典會同王德榜進剿白沙張福齊等率所部猛進殺賊三四百名賊退里許仍拌命回鬪後路之賊亦蟻擁而來郭慶雲怒馬衝入賊陣直取汪逆中槍陣亡官軍因之稍卻適

王德榜將李塘伏賊擊敗乘勢追過田隴親督
何秀清等抄出賊後康國器由龍巖飭所部營
官羅洪標等同時馳至合力衝殺賊遂大奔官
軍追十數里始還是役計共斃賊數千名生擒
數百名拔出難民無算王開琳一軍聞南陽賊
竄亦分路疾追甫抵茶樹下俾賊四五千來撲
王開琳督各營力戰殺賊三四百名初六日復

躡蹤追擊逆賊且戰且退遂向永定縣屬坎市
竄去汀州連城境內肅清其劉明珍趙均由漳
平進紮南路永福里將和溪踞逆擊敗後二月
初三日進攻板場後壩賊卡破之殺賊五六十
名初四日和溪之賊糾添水潮悍賊數千來撲
劉明珍趙均派隊馳往策應而自率所部繞攻
和溪梁友武破卡直入斃賊數百名餘匪紛紛

潰竄立將和溪賊壘掃蕩初五日乘勢進攻水
潮逆匪丁汰洋率衆數千抗拒劉明珍等督隊
奮擊賊急棄水潮而遁計兩日共斃賊千餘名
拔出難民無數竊注海洋經官軍痛剿圖擾江
西因江西兵力厚集不能竄越又侍逆已爲高
連陞所敗漳逆呼援甚急圖與汪逆合股漳逆
於正月二十日分黨窺犯漳浦二十一日竄陷

縣城現復遭黨屯踞南路官田顏廟前一帶以
窺石碼並嚇龍巖敗逆由北路圖犯長泰臣左
宗棠於南陽逆賊未竄之先已飭張恆祥一軍
移紮漳平劉清亮一軍由同安相機前進現高
連陞黃少春分駐石碼以扼北溪而南陽肅清
後王德榜已赴龍巖劉典亦馳赴漳平漳州西
北一帶以刻下局勢論之北路應嚴扼華封司

朝天嶺諸隘由和溪水潮進勦南靖南路應嚴扼石碼進窺漳浦李鴻章所派郭松林楊鼎勳兩軍由上海赴閩臣等會商擬俟兩軍至廈卽由海澄進取漳浦先斷其入海之路然後由九龍嶺木綿菴會攻漳城並杜其竄粵之路其王開琳所部已飭移紮永定河邊兼顧上杭以扼其奔竄江西能將汪海洋李侍釐兩大股於閩

境殲除則丁汰洋林政揚等賊亦無能爲矣至
婁雲慶接統鮑超所部整理未曾就緒並未入
閩現賊旣趨併南靖漳州汀防稍鬆卽可仍留
江境臣左宗棠擬俟劉典抵漳平後將北路軍
事布置稍定再進省籌辦一切如須赴泉州同
安督勦再當出省辦理此次力戰陣亡之把總
康德修軍功郭慶雲計功應保守備可否仰懇

天恩飭部均照守備陣亡例議卹以慰忠魂奏入

上命軍機大臣傳諭瑞麟左宗棠徐宗幹郭嵩燾孫
長紱曰劉典等軍由汀連進剿南陽汪逆老巢賊
棄巢走白沙之賊亦經劉典會合王德榜等軍奮
力衝擊賊勢大潰由坎市竄去汀州連城一律肅
清劉明珍等由漳平南路進剿和溪埭蕩賊壘乘
勢進攻水潮丁逆潰遁侍逆亦爲高連陞所敗圖

與汪逆合股漳州踞逆竄陷漳浦現復遣黨屯踞
南路官田顏廟前一帶以窺石碼並嗾龍巖敗匪
由北路圖犯長泰左宗棠已飭張恆祥一軍移紮
漳平劉清亮一軍由同安前進高連陞等分軍駐
石碼以扼北溪王德榜已赴龍巖劉典亦馳赴漳
平漳州一帶布置均尙周密逆勢現已窮蹙惟當
防其就近入海勾結洋盜各處竄擾郭松林等計

可由滬抵閩著左宗棠徐宗幹卽飭由海澄取漳
浦斷其入海之路吳全美已雇募紅單拖罾等船
赴閩著飭令嚴扼海口遇賊卽擊毋稍疏懈該督
撫務當檄飭南北兩路規取南靖漳浦將汪李等
逆就地殲除勿任再行分竄該逆飛走技窮豈肯
坐以待斃必將拌死出竄廣東江西邊境以圖一
逞著瑞麟郭嵩燾飭令李福泰等軍已入閩者卽

歸左宗棠調遣儘粵邊有警仍令同顧沈葆楨已
起程赴閩孫長紱責無旁貸當督飭防軍嚴扼本
境如被闖入完善惟該署督撫等是問婁雲慶接
統鮑超所部既未入閩卽著仍留江境協同防守
左宗棠俟劉典到後布置定妥再行進省辦理一
切事宜力戰陣亡之把總康德修軍功郭慶雲均
著交部照守備陣亡例議卹

十八日癸丑毛鴻賓郭嵩燾奏言據臬司李福泰

稟稱方耀於正月十九日行抵上杭探聞南陽
賊匪有竄動之意卽督軍由上杭之千家村節
節進剿該逆橫竄白沙石碣等處思抄我軍之
後乘虛突入粵境方耀自上杭北門之水西渡
河繞越草鞋嶺當風嶺截擊之二月初五夜閒
潛襲石碣逆寨獲匪數名遂飭守備方恭等帶

勇進攻白沙逆壘知府方勳等帶勇出草鞋嶺
夾擊守備林材等帶勇策應初六日方耀進抵
石碣逆匪萬餘出拒我軍奮勇直前鏖戰數時
斃匪七百餘名賊衆稍卻適白沙之匪回援石
碣我軍亦全隊趕至併力圍攻遂將石碣攻破
賊匪奪路狂奔追殺三十餘里陣斬僞誦天福
呂潮恩等四人僞先鋒十五人長髮老賊一百

九十四人生擒賊目及落澗墜崖死者約五六千人其伏匿林麓閒者復縱火焚斃無算餘匪越嶺而逸救出脅從難民千餘人當將官莊石碣等處賊巢一律平毀查方耀石碣之捷殺賊幾及萬人洵足以寒賊膽惟逆衆不下十餘萬其勢十倍於我尙難一鼓撲滅潮嘉邊界綿亙數百里仍有防不勝防之患當方耀在石碣大

戰時有另股賊匪繞竄大埔縣屬之白埃幸李
福泰布置周密當將該逆擊退是嘉應之防稍
鬆而潮郡日形喫重臣等惟有嚴飭李福泰駐
紮大埔居中調度翟國彥嚴防饒平鄭紹忠駐
紮峯市以固潮嘉藩籬並飭方耀跟蹤追剿以

杜紛竄

毛鴻賓郭嵩燾又奏言正繕摺閒據臬司李福

秦馳稟二月十二日逆匪萬餘由白堠直撲楓
朗營盤遊擊戴朝佐千總梁仕光分路迎擊陣
斬賊目汪愈城等三名礮斃數百名是夜該逆
大股屬至十三日分五路來撲勢甚兇猛戴朝
佐等奮勇衝殺該逆抵死不退戴朝佐等一面
飛稟請援一面潛派精銳繞出賊後大呼衝突
適總兵翟國彥派來援兵遇賊於三峯亭兩面

夾擊轟斃之賊屍橫徧野墜落山澗死者不可
數計敗匪折向平和逸去楓朗一帶現已無賊
等情查該逆由白沙坎市繞出湖坑等處竄至
白堠無非避兵而行希圖抄過方壩各軍之後
偷由楓朗僻路徑趨潮州逆謀甚狡戴朝佐梁
仕光以千餘之衆當萬餘強寇乃能攔頭截擊
以少勝多實屬異常出力遊擊戴朝佐可否以

參將留於廣東儘先補用千總梁仕光可否以
守備儘先補用並加都司銜以示鼓勵其餘出
力員弁可否彙入克復永定案內擇尤請獎出
白

天恩至傷亡弁勇容俟查明另行辦理奏入

上命軍機大臣傳諭瑞麟左宗棠徐宗幹郭嵩燾曰
閩省南陽賊匪橫竄白沙石碣等處圖入粵境經

方耀等軍併力分剿將石碣等賊巢焚燬殲除賊
匪幾及萬人另股逆匪由大埔屬之白喉直撲楓
朗營盤經戴朝佐等以少勝衆斃賊甚夥餘逆向
平和逸去剿辦均屬得手惟賊氛十倍兵勇潮嘉
邊界綿亙數百里路路可通該逆飛走技窮其欲
繞越方耀等軍後路圖竄粵疆自在意計之中現
在嘉應之防稍鬆而潮防日形緊急毛鴻賓等已

飭李福泰等分紮大埔饒平等處以固藩籬與前
次寄諭辦法脗合著卽嚴督各軍認真堵剿毋任
闖入潮州該處民情素稱犷悍賊蹤若至一經煽
惑必至燎原該署督等務當嚴密防範如後路兵
力尙單急須添調勁旅層層布置萬不可令賊擾
及潮防致剿辦愈形棘手並著左宗棠徐宗幹檄
飭規取南靖漳浦各軍將該逆就地殲除與粵省

入閩之方耀等軍聯絡聲勢妥籌夾擊毋令擾及
完善此次白堊剿賊出力之遊擊戴朝佐著以參
將儘先補用千總梁仕光著以守備儘先補用並
賞加都司銜其餘出力員弁准由瑞麟等彙案酌
獎

十九日

甲寅

惲世臨奏言准江西撫臣沈葆楨來

咨閩中李汪等逆因盜糧將罄漸有竄動之勢

江省現已籌防等因查李侍賢汪海洋本屬兇
狡賊目在閩裏脅者不下二三十萬人湖南東
界各營兵不盈萬分布實覺不敷臣已飭趙煥
聯陳士杰劉德謙等酌量情形各添二營一面
稟報一面卽行開招以期無誤戎機奏入

上命軍機大臣傳諭李瀚章石贊清曰據惲世臨奏
閩省汪李二逆因糧食將盡漸有竄動之勢東界

各營不敷分布已飭趙煥聯等添募勇丁嚴密防範等語李瀚章自簡任巡撫屢經降旨嚴催想已起程卽著星速前赴新任妥籌調度東路防堵事宜並飭趙煥聯等酌量添募勇丁嚴防閩省髮逆毋任竄越李瀚章未到任以前著石贊清嚴飭各軍妥籌辦理

二十四日 己未 徐宗幹奏言江西巡撫沈葆楨親

母林氏於同治四年二月二十七日在籍病故
並據該撫臣之父舉人沈廷楓遣丁具報前來
查江西雖係鄰省計報需時謹繕摺由驛奏

聞奏八

上命軍機大臣傳諭徐宗幹曰前據沈葆楨奏閩賊
去江已遠該撫於三月初一日交卸起程回籍如
逆蹤回竄仍卽星馳回江當經諭令沈葆楨如軍

情稍緊該撫固應迅卽回江卽閩省逆勢日衰無
虞回竄亦當毋庸拘泥假滿早行回任茲據徐宗
幹奏稱沈葆楨之母林氏在籍病故沈葆楨例應
丁憂本日已明降諭旨令沈葆楨穿孝百日准其
回籍治喪俟孝滿後作爲署理江西巡撫並賞銀
五百兩由福建藩庫給發經理喪事矣沈葆楨現
在丁憂本應准其在籍守制以盡孝思惟江西毗

連閩境防務甚關緊要且該省當兵燹之餘一切軍情吏治在在需人非公忠夙著民情愛戴之人
在彼整頓不足以資治理特命沈葆楨於百日孝
滿後仍回江西署任實爲時事艱難起見卽著徐
宗幹傳知沈葆楨於百日孝滿後迅卽馳回江省
以慰廑念沈葆楨向來能顧大局必當仰體朝廷
望治之苦衷勉抑哀思墨經從事也前據左宗棠

等奏汀連肅清漳州踞匪竄陷漳浦諭令左宗棠
徐宗幹嚴飭官軍扼其入海之路並規取南靖漳
浦勿令分竄現在軍情賊勢若何仍著會同左宗
棠迅速馳奏省城防堵事宜並著該撫懷遵疊次
諭旨嚴密布置毋稍疏虞

上諭內閣曰前因沈葆楨奏請賞假回籍省親當經
降旨給假三月嗣據沈葆楨奏業於三月初一日

起程回籍復經諭令該撫不必拘定假期早行回
任茲據徐宗幹奏稱沈葆楨之母林氏在籍病故
沈葆楨諒必籲請終制惟江西地方雖就廓清而
福建漳州等逆未平防務甚關緊要沈葆楨自簡
任江西巡撫以來籌辦勦撫整飭地方悉合機宜
當此邊防喫重之時勢難遽令離任沈葆楨著賞
假百日在籍穿孝加恩賞銀五百兩由福建藩庫

給發經理其母喪事俟假期滿後改爲署理江西
巡撫卽行馳赴署任該撫當仰體朝廷破格奪情
之意移孝作忠以副委任毋許固辭

二十九日

甲子 駱秉章奏言欽奉

諭旨飭將蕭慶高等援師暨甘省會剿各軍均歸胡
中和節制調遣並接胡中和函稱現在階州各軍
均能聯絡聲勢互相策應並未各分界限彼此

推諉其能與胡中和和衷共濟者亦以事權出自督臣無不相率效命若以胡中和統之不特才力不足恐貽隕越之羞且恐心志未孚反啟參商之漸蓋以素相等夷之人一旦節制調遣於事誠難有濟惟有暫行會商各軍迅拔堅城所有統率三路援兵實難勝任應請代爲具奏
頤懇

天恩免其總統庶不致貽誤大局以後勦辦情形仍
由督臣隨時奏報以一事權等情查胡中和來
函情詞懇切均係實在情形且諸軍攻勦階州
之賊不遺餘力現已四面合圍據逃出難民供
稱該逆糧食將罄現造木筏圖由河道逃竄臣
已檄飭各軍水陸嚴防以期聚而殲旃奏入
上命軍機大臣傳諭駱秉章曰胡中和未便總統諸

軍卽照所請辦理階州踞逆爲諸軍四面圍剿其
勢已蹙現因糧食將罄偷造木筏圖由河道逃竄
正宜檄飭各軍乘賊勢困乏聚而殲旃並著駱秉
章檄飭階州諸軍協力齊心將階城踞匪悉數就
地殄除毋任分竄以靖地方

同日湖南巡撫李瀚章奏冒湘省防務緊要應
卽遵

旨迅赴湖南巡撫新任臣現已交卸廣東布政使篆
務卽於三月十四日起程由粵入楚約計月餘
當可抵省所有奉

諭督飭防剿事宜惟有實力實心認真籌辦以期仰
副

委任誥誡之至意

同日護理湖南巡撫布政使石贊清奏言欽奉

諭旨以該匪圖襲贛南窺伺兩楚飭臣妥籌防勦查
閩中李汪等逆因糧食將罄漸有竄動之勢前
撫臣惲世臨當飭趙煥聯陳士杰劉德謙等酌
量情形各添兩營以赴戎機臣接篆後連日報
悉劉典王德榜等軍大獲勝仗上杭諸逆殘敗
之餘盡趨漳州李侍賢汪海洋均係兇狡賊目
茲復歸併一處鋌而走險自在意中湖南東防

未可稍形鬆懈臣惟有督飭趙煥聯等簡練精銳嚴密設防以期有備無患均奏入

上命軍機大臣傳諭瑞麟左宗棠徐宗幹李瀚章郭嵩巖石贊清孫長紱曰上杭諸逆經劉典等軍擊敗後盡趨漳州李侍賢汪海洋均係兇狡賊目茲復歸併一處難保不爲因獸之鬪紛擾旁趨另謀生路湖南東路防務自未可稍形鬆勁著石贊清

檄飭趙煥聯等軍扼要駐守實力嚴防李瀚章業
已於三月十四日起程卽著迅速遄行馳赴新任
將該省防剿事宜妥爲辦理汪李等逆現聚一隅
正可設法兜圍爲一鼓聚殲之計著左宗棠徐宗
幹激勵將弁會同粵東官軍將該逆等就地殄除
毋令擾及他處或潛逃入海致窮蹙之寇又肆披
猖瑞麟郭嵩燾卽飭李福泰等嚴密布置力固潮

州之防並令由粵援閩之方耀等軍會合進攻協力掃蕩迅殄逆氛孫長紱督飭派出官軍嚴扼本境毋令賊蹤再行回竄

欽定剿平粵匪方略卷四百四 乙丑年

四月初三日 丁卯 曾國藩奏言接奉三月十七日

諭旨令催彭玉麟速赴漕督署任查彭玉麟自咸豐
三年初入臣營堅與臣約不願服官嗣後屢經
奏保無不力辭每除一官卽稟請開缺臣以其
本在營中無須赴任未爲奏達彭玉麟深以爲
歉咸豐十一年擢任安徽巡撫三次疏辭臣亦

代爲陳情仰邀

聖慈允准此次欽奉

批諭仍飭迅赴署任該侍郎具述積疾已深再申開
缺之請臣相處日久深知其勇於大義淡於浮
榮未便強爲阻止且該侍郎久領水師於陸師
不甚諳習而失血舊病亦不宜更膺重任可否
仰懇

天恩俯准另行簡員署理清運總督免致彭玉麟再
四固辭貽誤清淮廣東兩處防務出自

聖裁奏入

上諭曰本日彭玉麟奏請開漕運總督署缺已於該
侍郎摺內批示矣

同日彭玉麟奏言臣於三月初二日具摺力辭
署理漕運總督之

命並請開兵部侍郎本缺茲於十八日欽奉

諭旨仍著迅赴署任毋庸固辭跪誦之下罔知所措

臣自江甯馳回裕溪口營次舊時失血之證感觸復發以嬰疾未愈之身蒙

君父期望之切旁皇惴慄有不得不再行瀝陳者臣

本寒儒傭書養母咸豐三年丁母憂當粵逆之亂曾國藩謬采虛譽寓書強令入營臣自誓不

求保舉不受官職曾國藩察臣語出至誠矜而
許之乃十餘年來不求保舉而膺破格之獎者
已非一次然臣能有以自處者分職雖已居卿
貳而辦事尙不離水營自知府而擢至巡撫而
改補侍郎始終不敢以實缺人員自居應領養
廉俸銀從未具領絲毫誠以

恩雖實受而官猶虛寄也此次復奉

恩命署理漕運總督並飭迅赴署任臣自度羸病之軀斷難勝此鉅任伏乞

皇上天恩另行簡員署理漕運總督仍准並開兵部侍郎本缺俾臣以閒員效力軍中料理長江水師善後應辦事宜實爲至幸抑臣更有請者現在粵東淮北防堵均極緊要臣未能迅速赴淮吳棠卽未能交卸赴粵前次具摺請辭往返已

逾半月此次重申前請若

皇上責臣以必行臣惟有負罪再辭在臣因辭官而
獲

嚴譴固屬咎有應得而兩處軍務未免耽延貽誤惟
有仰求

聖慈曲諒允臣所請庶幾臣一身幸免隕越之咎而
粵淮兩地速得主持之人不勝戰慄屏營之至

奏八

上諭曰覽奏情辭懇摯出於至誠彭玉麟著准其開
漕運總督署缺所有長江水師善後應辦事宜仍
著該侍郎妥爲料理

初五日己巳廣州將軍兼署兩廣總督瑞麟署廣

東巡撫郭嵩燾奏言據藩司李福泰副將方耀
稟稱南陽之逆全股竄併白沙營巢林立方耀

慮其下竄卽調水鋪弁勇馳回並飛咨駐紮峯
市之鄭紹忠蚡蛇渡之周陞堅營嚴扼二月初
八日派守備方鼇知府方勳等分投進攻斃匪
四百餘名陣斬僞官鈺天安等多名該匪四路
狂奔我軍追殺十餘里始行收隊十八日逆首
丁汰洋率匪萬餘由朱家山後來撲大埔縣屬
之柏嵩關守備李瑄芳等督率兵練迎勦斃匪

不計其數該匪由三斷嶺下而逃其花旗股匪繞由小路竄入大埔縣境縣城岌岌可危守備蘇鎮超等會督兵勇分投截剿副將方耀等亦由閩界跟蹤馳援同時齊抵大埔賊由湖寮白堠竄走先後斃匪甚多臣等查閩省龍巖股匪經康國器等軍攻克餘匪竄歸南靖南陽股匪經劉典王開琳等軍攻克餘匪竄徧大埔縣城

分股襲攻楓朗營盤爲戴朝佐等軍擊敗徑撲
詔安繞至雲霄之後直窺粵境幸惠潮道鳳安
商同總兵黃朝恩等分率團勇先期堵剿藩司
李福泰亦由三河壩趕至潮州派鄧安邦等馳
援詔安通何雲章一軍之氣以固潮南門戶臣
等並飭李福泰等將南澳澄海各海口妥爲布
置潮境防務稍臻周妥而沿邊滋擾各匪其人

數之多與汪海洋一股相等漳州李侍賢一股至今未有蠢動之信閩軍高連陞黃少春等合攻漳州江蘇撫臣李鴻章又由海道派郭松林楊鼎勳兩軍從廈門進攻是漳州南路已有大枝勁旅惟西路與粵毗連兵力單絀臣等接據李鴻章來函卽商令各軍由海道分路一由廈門會合閩軍直擣漳州一由汕頭東出黃岡規

雲霄平和各城出漳州之西與翟國彥等軍分
路並出庶可蹙之漳州一城且斷其入海之路
但恐郭松林等已航海入閩商辦不及則閩軍
直成長驅之勢粵東防務尤費支持臣等現催
卓興一軍由恩平赴省剋期馳往東江並督飭
司道竭力籌餉以利師行殲此大憝其李元順
赴援詔安吳國泰防守隘口未能實力抵禦爲

賊所乘均屬咎有應得相應請

旨將遊擊李元順等先行摘去頂戴有無聞警先逃情弊容札飭李福泰鳳安查明叅辦奏入

上命軍機大臣傳諭瑞麟左宗棠徐宗幹郭嵩燾曰南陽竄賊占踞白沙肆擾粵邊雖經官軍疊次斬擒而賊勢尙未十分窮蹙瑞麟郭嵩燾仍嚴飭方耀等軍奮力剿洗並飭李福泰嚴防大埔饒平等

處以固潮州門戶花旗股匪於粵東地勢情形皆
所熟悉尤應防其勾結爲賊引導瑞麟等當嚴飭
各軍將此股匪徒先行殄盡龍巖南靖等處敗匪
撲詔安李元順各營皆爲所襲是黃岡饒平皆
喫緊著瑞麟等迅飭黃朝恩等防剿兼施與何
章聯絡進取前據李鴻章奏郭松林等軍已飭
廈門前進未便改赴汕頭已照所請辦理東江

一帶仍著瑞麟等責成李福泰方耀等軍扼要紮
守如兵力較單卽先將各處海口及本境要隘布
置完密毋庸越境協剿左宗棠徐宗幹於郭松林
楊鼎勳等軍到後妥爲調遣密防該逆入海之路
仍分飭各軍環攻漳郡務將逆匪就地殄除如西
路兵單亦宜酌量分撥無使大股竄入東境遊擊
李元順縣丞吳國泰均先行摘去頂戴仍著瑞麟

等查明有無聞警先逃情弊據實叅奏

十一日 乙亥 瑞麟郭嵩燾奏言據布政使李福泰

等稟稱賊匪圍攻詔安知縣趙人成竭力拒守

潮州府知府陳毓書等現赴黃岡圖解詔安之

圍副將何雲章進攻雲霄爲賊所包固守營盤

大勢均屬岌岌平和之賊日聚日衆於通柏嵩

關等處鑿平道路意圖大舉入粵饒平黃岡一

帶日形喫緊查汪海洋李侍賢朱愚濠丁汰洋
各股合計不下二十餘萬雖閩省各軍屢獲勝
仗粵省方耀各軍疊有擒斬所殺不過十分之
一賊勢並不窮蹙左宗棠所部浙軍一二萬人
高連陞黃少春劉清亮等又皆一時名將合之
閩省曾玉明等所部及江西劉典等軍並李鴻
章所派楊鼎勳兩軍進攻漳州東南北三面漸

成合圍之勢而賊所踞南靖漳浦雲霄平和各城皆在漳州西南從前尙踞有龍巖二城北有出路今併集於偪近大埔之歸陽苦竹等處是賊之去路僅廣東一面現據李福泰稟稱探聞詔安縣城已爲賊陷是潮郡又失一重外蔽又據翟國彥報稱漳州逆匪數萬竄至平和臨溪地方並屯駐上下坪等處其勢必謀竄饒平大

埔等縣漸及腹地統計粵東邊防各軍舊國彥
三千餘人方耀六千餘人鄭紹忠三千餘人其
餘林保鄧安邦等或數千人或數百人卓興一
軍六千餘人尙未到防合共三萬餘人縱橫數
百里隨處設防兵力幾不能支臣等惟有督飭
在事文武各軍殲除大憝以靖邊疆奏入

上命軍機大臣傳諭瑞麟左宗棠徐宗幹郭嵩燾曰

現在詔安被陷潮州屏蔽已失饒平大埔等處均
形喫重前諭瑞麟郭嵩濂責成李福泰等軍扼要
紮守如兵力尙單卽將本境布置完密毋庸越境
協剿此時賊氛日徧亟須加意嚴防仍著督飭李
福泰方耀等軍於閩粵交界賊勢趨重之處擇要
扼紮迎頭截擊並催令卓興一軍迅速到防認真
扼守毋令賊匪乘虛竄入吳棠現因清淮防務緊

要未能赴粵瑞麟不得存五日京兆之見務當與
郭嵩燾妥籌布置固守巖疆詔安失守情形尙未
據閩省奏報著左宗棠徐宗幹查明具奏汪李等
逆均係粵賊渠魁雖經官軍圍逼而匪黨尙衆困
鬪鋌走自在意中閩省此時兵力不爲不厚左宗
棠老於戎事自必成算在胸務將此股逆匪就地
殲除斷不可縱入粵境或遁入海道致勦辦復形

棘手賊勢旣趨重西面左宗棠徐宗幹卽當調派勁旅嚴密分布截其西竄之路以便方耀等軍專顧粵邊力保完善均著妥速籌辦近日勦辦情形並著左宗棠等迅速馳奏

十五日 己卯 左宗棠徐宗幹奏言李逆侍賢於漳

州東北浦南金沙烏頭門社一帶添築賊壘以圖繞襲官軍後路總兵劉清亮馳抵江東橋見

賊勢方趨重漳北卽率所部進駐北溪黃少春
進紮北尾橋高連陞進紮東路好景山以相聯
紹二月二十五日黃少春復飭副將周紹濂等
移紮北尾橋對港翰林洲賊首僞天將譚姓率
悍黨千餘來撲周紹濂等營壘當經官軍擊退
黃少春見賊憑橋抗拒復與謝復雲分路抄擊
賊卽敗潰官軍追殺過橋斃賊二百餘名三月

初二日城賊復出數萬來犯黃少春率周紹濂等各營從右路迎擊賊卽敗竄追至田東社伏賊突起周紹濂挺矛衝入賊陣謝復雲督各哨突前猛擊賊不能支時高連陞亦將崎下橋之賊擊敗衝殺而前該逆恐官軍過港截殺悉向樓內遁去計是役共斃悍賊三百餘名初七日高連陞率所部進紮嚮水橋復飭副將丁賢發

軍功錢桂仁兩營過河築壘偪之黃少春飭各營伏於北尾橋河邊自率馬隊與高連陞從東關大路而進突遇賊一二千人高連陞率隊衝殺黃少春繼之賊且戰且走追至東關斃賊百餘名忽南門壘賊數千從河邊抄至城賊與東門壘賊遙擁而出高連陞飭張志公等扼堵河邊自率洋槍隊與黃少春分路猛戰擊斃悍賊

十數名麾軍奮力齊進賊退八卡程學明等將河邊之賊擊敗亦率隊環攻賊卡忽西門外賊七八千人繞至對港排列高連陞黃少春飭各營槍礮環擊斃賊數百名當賊由東路來犯北門及樓內亦各出賊數千向北尾橋衝來周紹濂等督隊迎擊黃少春率謝復雲等從左路橫出截之賊衆敗走計是役斃賊共千餘名該逆

復糾添汪逆悍黨五六萬人於十三日一撲嚮
水橋一撲北尾橋營壘其由嚮水橋一路來者
經高連陞張志公等先後擊敗逆首李侍賢僞
天將李學金復喉各賊回關官軍乘勝猛進馬
隊繼之羣賊退入村後程學明等各率親兵疾
追高連陞督隊壓擊賊勢不支紛向東關逃竄
其由北尾橋一路來者黃少春率副將李良平

等迎敵相拒半時樓內伏賊數千從留岡山突出官軍奮力衝殺賊仍死拒不退黃少春親督各哨向前衝突陣斬悍賊百餘名適魏光祿從崎下橋橫截而來兩路夾擊賊遂大敗其樓內來援之賊經總兵劉端冕等截殺斃賊二百餘名計是役共斃賊二千餘名傷賊不計其數十
四日城賊分撲北尾橋營壘黃少春當飭周紹

濂等三路奮擊斃賊數百名東路之賊圖撲高連陞營壘高連陞一面飭各營嚴陣以待一面亟商提督郭松林等俟賊來撲卽各率所部合剿李逆侍賢以兩次猛撲皆不得逞復喚南靖來援之賊並城壘各逆四路抄來適郭松林所部蘇軍馳至卽與高連陞踰嶺迎擊黃少春率同各隊過北尾橋助剿郭松林親督小隊直搏

中堅羣賊辟易官軍乘勝急進各路之賊俱敗
李侍賢復督各賊回撲洋槍隊斜出轟擊賊衆
自相蹂藉及轟斃溺斃者不可勝數計是役共
斃賊三四千名帶傷以萬計王德榜一軍由龍
巖馳赴漳北華封見逆賊麕聚金沙一帶遂分
兩營留駐豐山自率所部進紮潭口與劉清亮
各營互相聯絡正擬過河痛擊詎該逆見官軍

偏近於吳倉烏頭添築兩壘對岸河邊添築四
壘阻官軍進攻之路王德榜飭遊擊戴清輝等
從下游過河排礮轟擊逆賊棄壘而遁劉典一
軍馳抵龍巖後卽率所部進駐州南飭副將張
福齊等紮上坪總兵楊芳桂紮水尾道員李耀
南紮林東偵知汪逆分踞上下奎洋等處縱橫
數十里十五日飭張福齊楊鼎勳等前進甫抵

白石凹大霧彌漫賊不意官軍驟至誤以爲其黨也就之官軍突起奮殺斃賊二百餘名劉典由嶺頭翻山至奎洋山頭見賊併趨右路卽飭各營截之該逆見官軍突出其後改向奎洋山頭撲來適張福齊楊鼎勳等由左右兩路殺出劉典復飭親兵繞出賊後斃賊數百名賊敗走下奎洋援賊又分路來撲劉典督飭各營迎擊

賊仍敗歸下奎洋壘中其梅林之賊亦經張福
齊楊鼎勳派隊擊退計是役共斃悍賊千餘名
總兵王開琳一軍馳抵永定後分所部八營扼
紫湖雷鄉偵知僞天將周怔幅僞佐將譚如春
等圍撲永定縣城並分犯湖雷營壘十六日王
開琳飭各營分路迎勦羅瑞山等行至跌馬寨
遇賊接仗斃賊多名乘勢追過岐嶺王開琳恐

爲賊所抄襲飭莫坤和等伏於跌馬寨自率中
營各隊緊追忽賊從山後突至莫坤和等督隊
迎擊賊亦拌死抵拒曾桂堂等先截其歸路各
營四面蹙之除生擒及收降外圍剿殆盡羅瑞
山等卽躡蹤緊追適湖雷各營亦從東坑馳至
夾擊擒斬甚衆計是役共斃賊二千餘名生擒
僞佐將譚如春僞指揮周怔南等七十餘名查

賊匪自汀連肅清後汪逆竄踞龍巖永定南靖
交界地方與李侍賢相爲首尾其地可由永定
武平竄江西廣東侍逆緊踞漳城其黨分踞雲
霄平和近日漳浦失守後丁逆汰洋復由平和
陷詔安其地緊連潮嘉濱海之區以賊情言之
汪逆志在竄江李逆志在入海然閩軍攻急則
必以粵東爲第一步論防賊下海之路在粵則潮

屬之汕頭在閩則詔安之銅山漳浦之碇口爲
要就現在賊勢言之則閩之銅山碇口爲尤急
臣宗幹於漳浦失守時已調蕭瑞芳紅單船六
號駛赴碇口臣宗棠現又飛催提督吳全美速
帶所雇紅單船二十號拖帶二十號駛赴銅山
其未到防之先已由曾憲德鄧廷枏就近派撥
師船前往防守論防賊入粵之路惟饒平大埔

最爲衝要粵省防邊聞尙周密方耀一軍亦已
調回兵力似不爲薄然臣等接閱署撫臣郭嵩
燾來書仍以驅賊入粵爲疑而閩軍方由東而
西由北而南雲霄平和漳浦詔安中隔賊氛實
無兵力兼顧細思江西防兵尙厚賊之竄江惟
永定一路臣等現調總兵王開琳之新老湘營
七千餘人及康國器等所部五千餘人嚴防永

定足以遏賊奔衝婁雲慶一軍近始由江西赴武平尙在王開琳康國器之後於援閩防江均屬不急之著武平距粵咫尺似可移緩就急爲江西助粵之軍庶廣東固而由粵竄江西之路亦可無虞伏乞

皇上飭下江西撫臣廣東撫臣爲該軍妥籌接濟以

收聚殲之效漳州東路有高連陞黃少春兩軍

連日賊衆猛撲均經擊敗臣等現飭王德榜劉清亮等迅將漳北各賊埽除其漳南一路蘇軍已到十營十六日郭松林率洋槍隊助戰甚爲得力楊鼎勳一軍亦於十七日到廈足扼石碼海澄並截侍逆南竄漳浦之路臣等自當隨時商調慎以圖之此次各路官軍以寡勝衆實屬異常奮勇請將尤爲出力及陣亡各員弁先行

開列懇請分別獎卹其餘出力員弁甚多可否
由臣存記彙案請保奏入

上命軍機大臣傳諭瑞麟左宗棠徐宗幹郭嵩燾孫
長紱曰據左宗棠等奏漳州東路有高連陞黃少
春兩軍連日將賊擊敗漳南一路有郭松林等軍
扼截王開琳等軍嚴扼永定是東南北三面布置
均尚周密惟西面之雲霄平和漳浦詔安等處賊

氛甚熾左宗棠等亦慮及閩軍攻急該逆必以粵東爲退步徐逞其竄江下海之謀王開琳等現紮永定卽著飭令嚴防以遏奔竄婁雲慶一軍現在武平距粵較近正可移緩就急爲江西助粵之軍著孫長紱卽飭婁雲慶統帶所部迅速前進瑞麟郭嵩燾一面迎提相機調撥所有該軍餉需卽由江西廣東兩省源源接濟饒平大埔爲粵省衝要

之路方耀一軍已經調回本境粵邊防軍亦不爲
薄瑞麟郭嵩燾務當督飭李福泰等實力防守如
遇賊蹤竄近卽飭各軍迎頭截擊毋得專待客兵
永定一帶現有重兵屯紮江防尙可無虞惟汪逆
既有竄江之意孫長紱亦當先事防維現在漳州
之賊疊經官軍痛剿其勢漸蹙左宗棠等仍當督
飭高連陞王德榜劉典等軍乘勝進剿力拔漳城

並將雲霄平和等處次第蕩平毋稍延緩硃口銅
山均係海邊要口徐宗幹已調蕭瑞芳紅單船駛
赴硃口左宗棠又調吳全美拖罾等船駛赴銅山
卽著催令星速到防並飭該提督等嚴密梭巡不
得稍有疏失石碼海澄等處卽飭楊鼎勳嚴密扼
守以截侍逆南竄之路粵省之汕頭海口瑞麟等
亦當加意嚴防俾臻周密

上諭內閣曰此次官軍進剿髮逆李侍賢等股疊獲大勝勦辦洵屬得手著左宗棠督飭各軍迅將漳州等城克復殲除巨憝所有在事出力之知府魏光邴著賞加道銜都司曹光德著以參將留於福建補用通判龍朝翼著賞加知府銜都司張藝勝著以遊擊補用守備李松林著以都司補用其餘出力員弁著准其存記彙案請獎陣亡之擬保遊

顰銜花翎都司陳道政擬保都司銜守備羅福清
 均著交部照擬保官階議卹